



Broj:
Sarajevo, 20.06.2023. godine

PRIMLJENO: 20-06-2023			
Organizaciona jedinica	Klasifikaciona oznaka	Redni broj	Broj priloga
01-	SD-1-	1375/23	

PARLAMENTARNA SKUPŠTINA BOSNE I HERCEGOVINE
PREDSTAVNIČKI DOM

Na osnovu člana 166. i 170. Poslovnika Predstavničkog doma Parlamentarne skupštine BiH („Službeni glasnik BiH“, br. 79/14, 81/15, 97/15, 78/19, 26/20 i 53/22), podnosim

POSLANIČKU INICIJATIVU

kojom Predstavnički dom Parlamentarne skupštine Bosne i Hercegovine zadužuje upravu za indirektno oporezivanje BiH da, u saradnji sa Graničnom policijom BiH u što kraćem roku, u skladu sa Zakonom o graničnoj kontroli („Službeni glasnik BiH“, br. 53/09, 54/10 i 47/14) i Pravilnikom o standardima i uslovima izgrađenosti i opremljenosti graničnih prelaza („Službeni glasnik BiH“, broj: 43/17) postavi na svim graničnim prelazima uredne, čiste i pravilno istaknute zastave Bosne i Hercegovine.

Obrazloženje

Kontinuirano dobijam informacije od građana, a i lično tome često svjedočim, da su na većini graničnih prelaza BiH istaknute neuredne, prljave i iskidane zastave države Bosne i Hercegovine. Zastava je simbol svake države i moramo se prema tome odnositi sa više poštovanja. To je posebno važno sada u vrijeme turističke sezone i sezone godišnjih odmora kada je povećan promet na svim graničnim i pograničnim prelazima BiH.

Vijeće ministara BiH je 12.04.2017. godine donijelo Pravilnik o standardima i uslovima izgrađenosti i opremljenosti graničnih prelaza („Službeni glasnik BiH“, broj: 43/17). Član 3. stav (6) ovog Pravilnika za koji sam tada izričito tražio da bude unesen u tekst Pravilnika jasno kaže sljedeće: „Svi granični prelazi moraju biti opremljeni urednim, čistim i pravilno istaknutim zastavama Bosne i Hercegovine“. Dakle, riječ je o imperativnoj normi, odnosno o obavezi Uprave za indirektno oporezivanje BiH¹. Budžet institucija BiH i međunarodnih obaveza BiH za 2023. godinu je usvojen, što znači da ne postoji niti jedna administrativno-pravna prepreka da se na 83 granična prelaza BiH, od kojih je 55 međunarodnih, a 28 za pogranični promet, provjeri stanje istaknutih zastava, te da se zamijene one zastave koje su neuredne i poderane, odnosno koje su nereprezentativne po ugled države Bosne i Hercegovine.


Dr. Denis Zvizdić

¹ U okviru UIO postoji Odsjek za upravljanje i održavanje objekata UIO i graničnih prelaza koji je nadležan za ovo pitanje.